



Minggu, 13 Pebruari 2022

Ogen: Johanes 3: 16



Keleng ate Dibata doni enda



Ogenta sendah enggo rusur sibegi. Banci saja enggo si hapal ban rusurna si begi hususna i bas mperingeti ketubuhan Tuhanta Jesus Kristus i bas natal. Isingetken man banta kerna ketubuhan Jesus ku doni enda e me nehi sura-sura Dibata Bapa guna keselamatan manusia, gelah manusia la bene i bas dosa tapi banci selamat dengen ndatken kegeluhen si rasa lalap. Johanes ngingetken sura-sura Dibata Bapa mperdameken diriNa ras manusia. Sabap manusia labo ngasup ndahi Dibata dengen erban dalam perdamen ras Dibata. Dibata si erkuasa nge si erbahan dalanna. E maka isambut manusia si tek man baNa alu bage lit perdamen dengen kegeluhen manusia pe reh sikapna.

Kekelengen Agave e me kekelengen si rehna i bas Dibata nari nandangi manusia. Kekelengen Agave la mindo balasen. Tapi tuhu-tuhu keleng ate si rehna bas pusuh nari si ibereken Dibata man manusia. Manusia ipindo gelah ngasup nggejapken, ngertiken uga keleng ate Dibata e guna ngasup ka engkelengi teman manusia. Payo labo i bas bentuk agave. Tapi kekelengen si teridah raduken ras senina turang/ keluarga, rekan kerja bage pe ras teman nggeluh.

Moria, kita enggo ngaloken kekelengen i bas Dibata nari. KekelengenNa e enggo sigeluhken, e maka iajuk me kita ngidah kekelengen Dibata si la erbalas. Enterem denga kita mindo balas i bas erkeleng ate. Kita enggo latih bas jabu guna nehi kebutuhan jabu, kita enggo ngarak-ngarak jabu subuk mamre bage pe anak-anak. Kita si berjasana kel siakap i bas jabu, alu oratenta enda ipindoken man banta gelah kita ermeteruk ukur labo perlu ihitung kiniulin si ibahan kita, tapi jadilah kita saluren pasu-pasu guna engkelengi jabu. Keleng ate e perlu teridah ras tergejap man ise pe.